

I. ✕ M.


SUMMARIUM

INDULGENTIARUM ET GRATIARUM

CONFRATRIBUS

B.V. MARIAE DE MONTE CARMELO

A SUMMIS PONTIFICIBUS CONCESSARUM



Indulgentia plenaria sub conditione sacramentaliter confitendi, ss. Eucharistiam sumendi, et preces fundendi pro christianorum principum concordia, haeresum extirpatione, sanctaeque matris Ecclesiae exaltatione.

1. Dies illa, qua quis recipiendo habitum, confraternitatem ingreditur. Pauli V., *Cum certas*, 30. Octob. 1606.

2. In festo principali COMMEMORATIONIS B. V. MARIAE DE MONTE CARMELO die 16 Iulii, vel Dominica immediate sequenti, aut alia eiusdem mensis iuxta locorum consuetudinem. Ibid.

3. In Mortis Articulo, Poenitentiae et Eucharistiae Sacramentis susceptis, ad devotam SS. nominis Iesu invocationem ore, si fieri potest, sin autem corde. Ibid.

4. In una Dominica cuiusvis mensis, interessendo processioni per confraternitatem de Ordinarii loci licentia facienda. Idem. *Piorum hominum*, 3. Aug. 1609. et *Alias volentes* 19. Jul. 1614.

5. His, qui predictae processioni commode assistere non valent, si cappellam respectivae confraternitatis devote visitaverint. Clem. X, *Commissae nobis*, 8 Maii 1673.

6. Infirmis, Captivis et Peregrinis, qui huiusmodi cappellam dicta dominica visitare nequierint, si Officium parvum B. M. V., aut quinquagies *Pater* et *Ave* recitaverint, et saltem contriti fuerint cum proposito confitendi, et Sacram Communionem recipiendi quamprimum potuerint, quod adimplere omnino tenentur. Clem. X, *Bulla nuper* cit.

INDULGENTIAE PARTIALES

1. *Indulg.* 5. annor. et totidem quadrag. Semel in mense, si poenitentes et confessi, SS. Eucharistiae Sacramentum sumpserint, ac pro christianorum principum concordia, haeresum extirpatione, et S. Matris Ecclesiae exaltatione oraverint. Pauli V *Cum certas*, supra cit.

2. *Item comitando SS. Sacramentum* dum ad infirmos defertur, cum candela accensa, et pro iisdem pias ad Deum preces fundendo. *Ibid.*

3. *Indulg.* 3. annor. et 3. quadrag. In qualibet ex festivitatibus B. M. V., quae celebrantur ab universa Ecclesia, confitendo, et SS. Eucharistiam sumendo in Ecclesia, vel cappella confraternitatis, et ut supra orando. *Ibid.*

4. *Indulg.* 100 dier. Corpora defunctorum tam confratrum, et consororum, quam aliorum ad sepulturam associando, ac pro eorum animabus Deum exorando. Officium Parvum B. M. V. devote recitando. Assistendo Missis aliisque divinis Officiis in Ecclesia, vel Cappella Confraternitatis. Pauperes hospitio recipiendo, aut eis in eorum necessitatibus vel periculo peccandi existen-

tibus auxilium ferendo. Pacem cum inimicis propriis, vel alienis componendo. Devium aliquem ad viam salutis reducendo. Ignorantes, Dei praecpta et ea, quae sunt ad salutem edocendo, aut aliud quodecumque pietatis, vel charitatis opus exercendo. *Ibid.*

Omnes et singulae indulgentiae predictae per Paulum V concessae, animabus Purgatorii per modum suffragii possunt applicari. Clem. X, *Cum sicut accepimus*, 2 Ian. 1672.

GRATIAE NUPER CONCESSAE

1. Omnes confratres et consorores si in locis versantur, ubi nulla Carmelitani Ordinis reperiatur Ecclesia, omnes Indulgentias ab Apostolica Sede eiusdem Ordinis Ecclesiae concessas lucrari possunt, si vere poenitentes et confessi, ac S. Communione refecti respectivam Parochialem Ecclesiam statis diebus devote visitaverint, ac reliqua iniuncta pietatis opera rite in Domino praestiterint. Pii IX *Brev.* 15. Ian. 1855.

2. Omnes et singulae Missae, quae in suffragium celebrabuntur confratrum, et consorum, eodem gaudent privilegio, ac si in Altari privilegiato celebratae fuissent. S. C. *Indulg.* 22. Ian. 1865.

ALIAE GRATIAE

Privilegium, vulgo dictum *Sabbatinum*, a Summis Pontificibus Iaan. XXII., *Bulla Sic mihi*, 3. Mart. 1322.; Clementi VII., *Ex Clementi*, 12. Aug. 1530.; S. Pii V., *Superna dispositione*, 18. Febr. 1566.; Greg. XIII., *Ut laudes*, 18. Septemb. 1577., aliisque approbatum et confirmatum, nec non a S. Romana et universalis Inquisitione sub Paulo V., die 20. Ian. 1613. Decreto tenoris sequentis:

“ Patribus Carmelitanis permittitur praedicare, quod populus christianus possit pie credere de adiutorio animarum fratrum et confratrum sodalitatis Beatissimae Virginis de Monte Carmelo, videlicet Beatissimam Virginem animas fratrum, et confratrum in charitate decadentium, qui *in vita habitum gestaverint*, et *castitatem pro suo statu coluerint*, *Officiumque parvum recitaverint*, vel si *recitare nesciant*, *Ecclesiae ieunia observaverint*, et *feria quarta, et Sabbato a carnibus abstinuerint* (*nisi ubi in iis diebus Nativitatem Domini festum inciderit*), suis intercessionibus continuis, piisque suffragiis et meritis ac speciali protectione, post eorum transitum, praecipue in die Sabbati, qui dies ab Ecclesia eidem Beatissimae Virginis dicatus est adiuturam.”

Aliae multae Indulgentiae, quae brevitatis causa omituntur, in Summarium Indulgenciarum Bullarii Ordinis Part. 2. pag. 600. continentur.

DECRETUM

Hoc Summarium rite recognitum, et authenticis documentis, Revisorum iudicio, conforme repertum, imprimi posse, et ubique promulgari permittitur.

Datum Romae ex Secretaria S. Congregationis Indulgenciarum die 1. Decembris 1866.

L. ✠ S.

ANTONIUS M. CARD. PANEBIANCO Praef.

Philippus Can. Cossa Substitutus.



RITUS SERVANDUS

IN BENEDICTIONE HABITUS

AC RECEPTIONE AD CONFRATERNITATEM



Sodalitati nostrae nomen daturus, ipso die ad Poenitentiae, atque Eucharistiae sacramenta accedat, ut plenariam indulgentiam a Paulo V concessam lucrari valeat.

Si fieri potest, scapulare benedicendum est ad altare beatissimae Virginis Mariae de monte Carmelo, duobus cereis accensis.

Sacerdos superpelliceum, vel regulare pallium induat, una cum stola albi coloris.

Genufexo qui habitum recipit, sacerdos stans dicat:

Suscepimus, Deus, misericordiam tuam in medio templi tui: secundum nomen tuum, Deus, sic et laus tua in fines terrae: iustitia plena est dextera tua.

Kyrie eleison. — Christe eleison. — Kyrie eleison. — Pater noster.

℣. Et ne nos inducas in temptationem.

℟. Sed libera nos a malo.

℣. Salvum fac servum tuum (*vel* salvam fac famulam tuam).

℟. Deus meus sperantem in te.

℣. Mitte ei Domine auxilium de sancto.

℟. Et de Sion tuere eum (*vel* eam).

℣. Nihil proficiat inimicus in eo (*vel* ea).

℟. Et filius iniquitatis non apponat nocere ei.

℣. Domine exaudi orationem meam.

℟. Et clamor meus ad te veniat.

℣. Dominus vobiscum.

℟. Et cum spiritu tuo.

OREMUS

Suscipiat te Christus in numero fidelium suorum, et nos, licet indigni, te suscipimus in orationibus nostris. Concedat tibi Deus per unigenitum suum mediatorem Dei et hominum, tempus bene vivendi, constantiam bene perseverandi, et ad aeternae vitae haec-

reditatem feliciter pervenienti: et sicut nos hodie fraterna charitas spiritualiter iungit in terris, ita divina pietas, quae dilectionis est auctrix et amatrix, nos cum fidelibus suis coniungere dignetur in coelis. Per eumdem Christum Dominum nostrum.

℟. Amen.

℣. Adiutorium nostrum in nomine Domini.

℟. Qui fecit coelum et terram.

℣. Sit nomen Domini benedictum.

℟. Ex hoc nunc et usque in saeculum.

℣. Domine exaudi orationem meam.

℟. Et clamor meus ad te veniat.

℣. Dominus vobiscum.

℟. Et cum spiritu tuo.

OREMUS

Aeterne Pater, et omnipotens Deus, qui Unigenitum tuum vestem nostrae mortalitatis induere voluisti: obsecramus immensam tuae largitatis beneficitionem in hoc genus effluere vestimenti, quod sancti Patres ad innocentiae et humilitatis indicium a renuntiantibus saeculo gestari sanxerunt, et sic

ipsum bene~~ꝑ~~dicere digneris, ut quicumque eo usus fuerit induere mereatur ipsum Dominum nostrum Iesum Christum Filium tuum, qui tecum vivit, et regnat in unitate Spiritus Sancti Deus, per omnia saecula saeculorum.

℟. Amen.

OREMUS

Suppliciter te, Domine, rogamus, ut super hunc habitum servo tuo (*vel* famulae tuae) imponendum benedictio tua benigna descendat, ut sit benedictus, atque divina virtute procul pellantur hostium nostrorum visibilium et invisibilium tela nequissima.

℟. Amen.

*Aspergat habitum aqua benedicta,
et imponens ei, dicat:*

Accipe vir devote (*vel* mulier devota) hunc habitum benedictum, precantes sanctissimam Virginem ut eius meritis illum perferas sine macula, et te ab omni adversitate defendat, atque ad vitam perducat aeternam.

℟. Amen.

Adesto, Domine, supplicationibus nostris, et hunc famulum tuum, quem (*vel* hanc famulam tuam, quam) nostrae sacrae Religioni sociamus, perpetua tribue firmitate corroborari, ut perseveranti proposito, in omni sanctitate tibi valeat famulari.

Protege, Domine, famulum tuum (*vel* famulam tuam) subsidiis pacis, et B. Mariae semper Virginis patrocinii confidentem a cunctis hostibus redde securum (*vel* securam).

Benedic te Conditor coeli et terrae, Deus omnipotens, qui te eligere dignatus est ad beatissimae Virginis Mariae de monte Carmelo societatem, et confraternitatem, quam precamur, ut in hora obitus tui conterat caput Serpentis, qui tibi est adversarius, et tandem tamquam victor palmam, et coronam sempiternae haereditatis consequaris. Per Christum Dominum nostrum.

℟. Amen.

Si habitus tantum sit benedicendus incipiatur a ℟. Adiutorium nostrum usque ad orationem Suppliciter inclusive.

*Deinde aspergat confratrem aqua benedicta
et subiungat:*

Ego auctoritate, qua fungor, et mihi concessa recipio te ad confraternitatem nostrae sacrae Religionis (*vel* sacrae Religionis carmelitarum), et investio, ac participem te facio omnium bonorum spiritualium eiusdem Ordinis. In nomine Patris ☩ et Filii, et Spiritus Sancti. Amen.

Si plures sint habitu induendi, præces praedictæ dicantur suis locis in plurali, praeter: Accipe vir devote etc., quod unicuique seorsim dicendum est ad habitus impositionem.

His expletis describatur confratris nomen in codice confraternitatis, et paucis sed efficiacioribus verbis eum adhortetur ad caute, pie, sancteque vivendum, ne Deiparam offendat, quam in posterum peculiari devotionis obsequio et affectu colere, ac veluti singularem ac dulcissimam matrem prosequi fas erit.



MODUS IMPERTIENDI

GENERALM ABSOLUTIONEM MORIBUNDIS CONFRATRIBUS
BEATISSIMAE V. M. DE MONTE CARMELO

Cum sacerdos ingressus fuerit infirmi cubiculum, dicat:

℣. Pax huic domui.

℟. Et omnibus habitantibus in ea.

Deinde imposita stola violacei coloris, aspergat aegrum et circumstantes aqua benedicta in modum crucis, dicens:

Antiphona.

Asperges me, Domine, hyssopo etc.

Miserere mei Deus, secundum magnam misericordiam tuam. Gloria Patri etc.

Et repet. Ant. Asperges me etc.

℣. Salvum fac servum tuum (*vel* salvam fac ancillam tuam).

℟. Deus meus sperantem in te.

℣. Nihil proficiat inimicus in eo (*vel* ea).

℟. Et filius iniquitatis non apponat nocere ei.

℣. Mitte ei Domine auxilium de sancto.
℟. Et de Sion tuere eum (*vel eam*).
℣. Domine exaudi orationem meam.
℟. Et clamor meus ad te veniat.
℣. Dominus vobiscum.
℟. Et cum spiritu tuo.

OREMUS

Exaudi nos, Domine sancte, Pater omnipotens, aeterne Deus, et mittere digneris sanctum Angelum tuum de coelis, qui custodiat, foveat, protegat, visitet atque defendat omnes habitantes in hoc habitaculo. Per Christum Dominum nostrum.

℟. Amen.

Deinde genuflexus dicat Litanias B. Mariæ Virginis cum petitionibus in num. sing.
— Miserere ei — Ora pro eo (*vel ea*).

Pater Noster, et Ave Maria.

Sub tuum praesidium confugimus sancta Dei Genitrix, nostras deprecationes ne despicias in necessitatibus nostris, sed a periculis cunctis libera eum (*vel eam*) semper, Virgo gloria et benedicta. Domina nostra,

mediatrix nostra, advocata nostra, tuo eum (*vel eam*) Filio reconcilia, tuo eum (*vel eam*) Filio commenda, tuo eum (*vel eam*) Filio repreaesenta.

℣. Ora pro eo (*vel ea*), sancta Dei Genitrix.

℟. Ut dignus (*vel digna*) efficiatur promissionibus Christi.

℣. Domine exaudi orationem meam.

℟. Et clamor meus ad te veniat.

℣. Dominus vobiscum.

℟. Et cum spiritu tuo.

OREMUS

Protege Domine famulum tuum (*vel famulam tuam*) subsidiis pacis, et beatæ Mariæ semper Virginis patrocinii confidentem a cunctis hostibus redde securum (*vel securam*).

Sanctissimae Genitricis tuae Sponsi, quae sumus Domine, meritis adiuvemur, ut quod possibilitas nostra non obtinet eius nobis intercessione donetur.

Omnipotens et misericors Deus, qui hu-

mano generi et salutis remedia, et vitae aeternae subsidia contulisti: respice propitius famulum tuum (*vel* famulam tuam) infirmitate corporis laborantem, et animam refove quam creasti, ut in hora exitus illius absque peccati macula tibi creatori suo per manus sanctorum angelorum repraesentari mereatur.

Deus infirmitatis humanae singulare praesidium, auxilii tui super infirmum famulum tuum (*vel* infirmam famulam tuam) ostende virtutem, et sic eum (*vel* eam) gratia tua confirmare digneris, ut in hora mortis eius non praevaleat contra eum (*vel* eam) adversarius, sed cum angelis tuis transitum habere mereatur ad vitam.

Omnipotens semperne Deus, qui montis Carmeli Ordinem gloriose Virginis matris Mariae sacrato titulo insignitum, sanctorum tuorum Eliae, Angeli, Cyrilli, Alberti, Teresiae, et aliorum plurimorum sanctorum meritis decorasti; tribue quaesumus, ut per eorum merita et suffragia ab instantibus animae et corporis malis, et periculis liberatus

(*vel* liberata) ad te verum Carmeli verticem gaudens pervenire mereatur. Per Christum Dominum nostrum.

R. Amen.

His absolutis curet sacerdos ut aegrotus, vel si ille nequit, aliquis ex circumstantibus recitet Confiteor, deinde stans dicat:

Misereatur tui omnipotens Deus, et dismissis peccatis tuis perducat te ad vitam aeternam.

R. Amen.

Indulgentiam, absolutionem, et remissionem peccatorum tuorum tribuat tibi omnipotens, et misericors Dominus.

R. Amen.

OREMUS

Deus omnipotens, salvator et redemptor generis humani, qui apostolis suis dedit ligandi et solvendi potestatem, ipse te absolvere dignetur ab omnibus iniquitatibus tuis, et quantum meae fragilitati permittitur, au-

xiliante ipso sis ab~~†~~solutus (*vel* absoluta)
ante faciem eius. Qui vivit et regnat etc.

*Deinde conferat indulgentiam plenariam
in hunc modum:*

Concedo tibi indulgentiam plenariam pec-
catorum tuorum facultate mihi concessa, et
comissa virtute bullarum Ordinis nostri
(*vel* Ordinis carmelitarum), quod si praesens
mortis periculum, Deo favente, evaseris, sit
tibi haec indulgentia pro vero mortis articulo
reservata. In nomine Patris ~~†~~ et Filii, et
Spiritus Sancti. Amen.

*Preces in casu necessitatis omitti possunt,
et illico absolutionem aegro impertiri an-
tequam e vita discedat.*

ROMAE — Typis S. C. de Propaganda Fide
Socio Eq. Petro Marietti Admin.

Superiorum permisssu.